



KEMENTERIAN PENDIDIKAN MALAYSIA

KURIKULUM STANDARD SEKOLAH MENENGAH

Bahasa Kadazandusun

Dokumen Standard Kurikulum dan Pentaksiran

Tingkatan 1



KEMENTERIAN PENDIDIKAN MALAYSIA

KURIKULUM STANDARD SEKOLAH MENENGAH

Bahasa Kadazandusun

Dokumen Standard Kurikulum dan Pentaksiran

TINGKATAN 1

Bahagian Pembangunan Kurikulum

MEI 2015

Terbitan 2015

© Kementerian Pendidikan Malaysia

Hak Cipta Terpelihara. Tidak dibenarkan mengeluarkan mana-mana bahagian artikel, ilustrasi dan isi kandungan buku ini dalam apa jua bentuk dan dengan cara apa jua sama ada secara elektronik, fotokopi, mekanik, rakaman atau cara lain sebelum mendapat kebenaran bertulis daripada Pengarah, Bahagian Pembangunan Kurikulum, Kementerian Pendidikan Malaysia, Aras 4-8, Blok E9, Parcel E, Kompleks Pentadbiran Kerajaan Persekutuan, 62604 Putrajaya.

ISBN:978-967-420-146-3

KANDUNGAN

Rukun Negara	v
Falsafah Pendidikan Kebangsaan	vii
Definisi Kurikulum Kebangsaan	ix
Kata Pengantar	xii
Kopointutunan	1
Hizab	2
Dimpoton	2
Dingkai Kurikulum Standard Sikul Pintangaan	3
Hontolon	4
Kabaalan Abad Ko-21	5
Kabaalan Momusorou Taang Takawas	7
Strategi Pongia'an om Pambalajalan	9
Elemen Morentas Kurikulum	12
Pontaksiran	15
Ponguludan Ponuangan	17
Ponuangan	26
Panel Momomonsoi	46



RUKUN NEGARA

BAHAWASANYA Negara kita Malaysia mendukung cita-cita hendak:
Mencapai perpaduan yang lebih erat dalam kalangan seluruh masyarakatnya;
Memelihara satu cara hidup demokratik;
Mencipta satu masyarakat yang adil di mana kemakmuran negara
akan dapat dinikmati bersama secara adil dan saksama;
Menjamin satu cara yang liberal terhadap tradisi-tradisi
kebudayaannya yang kaya dan berbagai corak;
Membina satu masyarakat progresif yang akan menggunakan
sains dan teknologi moden;

MAKA KAMI, rakyat Malaysia, berikrar akan menumpukan seluruh tenaga dan usaha kami untuk mencapai cita-cita tersebut berdasarkan prinsip-prinsip yang berikut:

**KEPERCAYAAN KEPADA TUHAN
KESETIAAN KEPADA RAJA DAN NEGARA
KELUHURAN PERLEMBAGAAN
KEDAULATAN UNDANG-UNDANG
KESOPANAN DAN KESUSILAAN**



KOTUNUDAN POGUN

Pogun tokou Malaysia nopo nga' kipongia'an do hizab do:
sumigampot montok piisaan di topiot id taatanga' do tulun ginumuan;
manampasi do iso' ralan pogiigion di demokratik;
moniudong do iso' tinimungan tulun mogiigion di aadang id nombo do kasanangan Pogun
aanu mogibaabagi miampai do aadang o kalaalahano';
manahak kopontontuan kalansanan miampai poingukab ginawo doid kopogisuusuaian
om mogikaakawo koubasanan sandad; om
moniudong do iso' tinimungan tulun mogiigion di muu'-buu' i momoguno do
sains om teknologi doun kawawagu.

MANTAD NODII DILO', YAHAI, tulun do Malaysia, dumandi do monolinoos do sawiawi' o lokis om
pinggisamaan do sumigampot do hizab diti tumanud do Prinsip id siriba':

**KOTUMBAYAAN ID KINOINGAN
TUMUMBOYO' DOID LAJA' OM POGUN
KOMIYO'ON DOID KUASA' DO KOOTURAN POGUN
KOIMOYO'ON DO KUASA' UNDANG UNDANG
KAPAMANTANGAN OM KINITUNGAN**

FALSAFAH PENDIDIKAN KEBANGSAAN

“Pendidikan di Malaysia adalah suatu usaha berterusan ke arah memperkembangkan lagi potensi individu secara menyeluruh dan bersepadu untuk mewujudkan insan yang seimbang dan harmonis dari segi intelek, rohani, emosi dan jasmani berdasarkan kepercayaan dan kepatuhan kepada Tuhan. Usaha ini adalah bertujuan untuk melahirkan warganegara Malaysia yang berilmu pengetahuan, berketerampilan, berakhlak mulia, bertanggungjawab dan berkeupayaan mencapai kesejahteraan diri serta memberi sumbangan terhadap keharmonian dan kemakmuran keluarga, masyarakat dan negara.”

Sumber: Akta Pendidikan 1996 (Akta 550)

FALSAFAH PAMBALAJALAN POGUN

“Pambalajalan id Pogun Malaysia nopo nga' iso' pingisaman di potilombus montok popoburu' sawi-awi' potensi do tosongulun om noogi' montok momolodi' do songulun di osulimbang om osinonod id intelekt, korusadan, ginua' ginawo om kotinano', poinsondot noogi' o kotumbayaan om kotunjukan kumaa Minamangun. Pingisaman diti kituduan do momolodi' tinaru Malaysia di kitoilaan, kilompu', kiwoyoo' tolinuud, kitonggungan om koimau do momodimpot kohingkangan koposion om kaanu manakadai id kotoonongon om kopuawangan do paganakan sondii', tinaru om pogun.”

Tadon: Akta Pendidikan 1996 (Akta 550)

DEFINISI KURIKULUM KEBANGSAAN

3. Kurikulum Kebangsaan

(1) Kurikulum Kebangsaan ialah suatu program pendidikan yang termasuk kurikulum dan kegiatan kokurikulum yang merangkumi semua pengetahuan, kemahiran, norma, nilai, unsur kebudayaan dan kepercayaan untuk membantu perkembangan seseorang murid dengan sepenuhnya dari segi jasmani, rohani, mental dan emosi serta untuk menanam dan mempertingkatkan nilai moral yang diingini dan untuk menyampaikan pengetahuan.

Sumber:Peraturan-Peraturan Pendidikan (Kurikulum Kebangsaan) 1997
[PU(A)531/97]

KOINTALANGAN KURIKULUM KEBANGSAAN

3. Kurikulum Kebangsaan

(1) Kurikulum Kebangsaan nopo nga' iso' program pambalajalan id nonggo poinhanggum no ngaawi' o abaabayan kurikulum om kokurikulum i papaamung do saawi-awi' toilaan, kabaalan, norma, woyoo', tungkus koubasanan om kotumbayaan montok monguhup id koburon di poinponu' do tosoosongulun tanak id aspek koinano', korusadan, pomusarahan om ginua' ginawo om noogi' montok mananom om popoigkawas kowoowoyoo' moral i oponsol montok popolombus toilaan”

Tadon : Peraturan-Peraturan Pendidikan (Kurikulum Kebangsaan) 1997

[PU(A)531/97]

KATA PENGANTAR

Kurikulum Standard Sekolah Menengah (KSSM) yang dilaksanakan secara berperingkat mulai tahun 2017 akan menggantikan Kurikulum Bersepadu Sekolah Menengah (KBSM) yang mula dilaksanakan pada tahun 1989. KSSM digubal bagi memenuhi keperluan dasar baharu di bawah Pelan Pembangunan Pendidikan Malaysia (PPPM) 2013-2025 agar kualiti kurikulum yang dilaksanakan di sekolah menengah setanding dengan standard antarabangsa. Kurikulum berasaskan standard yang menjadi amalan antarabangsa telah dijelmakan dalam KSSM menerusi penggubalan Dokumen Standard Kurikulum dan Pentaksiran (DSKP) untuk semua mata pelajaran yang mengandungi Standard Kandungan, Standard Pembelajaran dan Standard Prestasi.

Usaha memasukkan standard pentaksiran di dalam dokumen kurikulum telah mengubah landskap sejarah sejak Kurikulum Kebangsaan dilaksanakan di bawah Sistem Pendidikan Kebangsaan. Menerusinya murid dapat ditaksir secara berterusan untuk mengenalpasti tahap penguasaannya dalam sesuatu mata pelajaran, serta membolehkan guru membuat tindakan susulan bagi mempertingkatkan pencapaian murid.

DSKP yang dihasilkan juga telah menyepadukan enam tunjang Kerangka KSSM, mengintegrasikan pengetahuan, kemahiran dan nilai, serta memasukkan secara eksplisit Kemahiran Abad Ke-21 dan Kemahiran Berfikir Aras Tinggi (KBAT). Penyepaduan tersebut dilakukan untuk melahirkan insan seimbang dan harmonis dari segi intelek, rohani, emosi dan jasmani sebagaimana tuntutan Falsafah Pendidikan Kebangsaan.

Bagi menjayakan pelaksanaan KSSM, pengajaran dan pembelajaran guru perlu memberi penekanan kepada KBAT dengan memberi fokus kepada pendekatan Pembelajaran Berasaskan Inkuiri dan Pembelajaran Berasaskan Projek, supaya murid dapat menguasai kemahiran yang diperlukan dalam abad ke-21.

Kementerian Pendidikan Malaysia merakamkan setinggi-tinggi penghargaan dan ucapan terima kasih kepada semua pihak yang terlibat dalam penggubalan KSSM. Semoga pelaksanaan KSSM akan mencapai hasrat dan matlamat Sistem Pendidikan Kebangsaan.

Dr. SARIAH BINTI ABD. JALIL
Pengarah
Bahagian Pembangunan Kurikulum

KOPOINTUTUNAN

Noulud o Kurikulum Standard Boros Kadazandusun Sikul Pintangaan diti sabaagi iso' kotilombusan kopongi'an do mato palajalan Boros Kadazandusun mantad Kurikulum Standard Sikul Tosiriba'.

Koindalan o kopongia'an do Kurikulum Boros Kadazandusun diti sabaagi' iso' Mato Palajalan Tambahan id sikul pintangaan. Po'ia'on iti kumaa tangaanak mantad tinaru Kadazan om Dusun om nogi' tangaanak mantad tinaru' suai i aanangan mingsingilo do boros diti.

Noulud o Kurikulum Standard Boros Kadazandusun Sikul Pintangaan diti maya' teori ponginabasan boros koduo. Noulud noogi' o kurikulum diti tumanud ponginsamakan woyo' modular i manahak do panatalan kumaa kabaalan boros, kopongorotian do sistom boros om kotilombusan do tungkus koubasanan om toilaan sandad do tinaru Kadazan om Dusun.

Suai ko mantad dilo', haro nogi mogikaakawo prinsip, strategi om taksonomi kopongia'an om pambalajalan boros di notimbang om naanu id ponguludan do kurikulum diti.

Nowonsoi o kurikulum diti montok popoigkawas toilaan om kabaalan do tangaanak kokomoi do boros om tungkus koubasanan tinaru Kadazan om Dusun. Kopihuyud iti do *Aspirasi Murid id Pelan Pembangunan Pendidikan Malaysia (PPPM) 2013-2025*: manahak kosiwatan kumaa tangaanak do mingsingilo do boros mantad tinaru suai.

Noulud noogi' o kurikulum diti montok popotingohoi do woyoo' tolinuud om koulaalaho' di tosonong id tangaanak mooi do kaanu nodii yolo' momogompi om popotilombus do tungkus koubasanan om toilaan sandad tinaru Kadazan om Dusun.

Poinsongiu noogi' id ponguludan do Kurikulum diti o hizab do Rukun Negara, Dasar Pendidikan Kebangsaan om Falsafah Pendidikan Negara. Mantad no dilo' do noulud iso' kurikulum di kopongunsub do piunungan om kotonongon toinsanan tinaru id pogun Malaysia suai ko' kaanu popoigkawas do koburuon koinanon, topurimanan, korusadan, om inteleg.

HIZAB

Winonsoi o Kurikulum Standard Boros Kadazandusun Sikul Pintangaan diti montok manahak kosiwatan kumaa tangaanak mantad tinaru Kadazan, Dusun om tangaanak mantad tinaru suai i aanangan mingsingilo do boros diti do monginobos om popotilombus pomogunaan boros Kadazandusun. Suai ko dilo', hizabon noogi' do kurikulum diti o kopoigkawasan do toilaan kokomoi kointutunan, tungkus koubasanan om toilaan sandad do tinaru Kadazan om Dusun mooi do au' nodii atagak om ogompi toririmo.

DIMPOTON


Poia'on o mato palajalan Boros Kadazandusun id sikul pintangaan montok momolodi' tangaanak di kitoilaan takawas, kikabaalan Abad Ko-21, kiwoyoo' tolinuud om i oupus do tungkus koubasanan. Suai ko' mantad dilo' olodi' noogi' daa o tangaanak di koilo momogono' om momoguno pomusarah taang takawas montok monoina' koposion tikid tadau, koposion timpu dumontol om soira' kotoguang om monolibamban do kobolinkangan. Pointayad id siriba' diti iso' nuyudan dimpoton montok momodimpot do hizab do mato palajalan Boros Kadazandusun.

Id kolimpupuson do Tingkatan 5, kaanu o tangaanak

1. Maganu mogikaakawo koilaan mantad mogisuusuai tadon.
2. Popokito toilaan momoguno mogikaakawo kabaalan montok mongompuri do koilaan di naanu.
3. Momoguno koilaan di naanu montok mogisuai-suai kohuboyoon.
4. Popolombus koilaan miampai momoguno boros di kotunud, loyuk di olinuud om ayat di agramatis id komunikasi lisan toi ko' ponuatan.
5. Popotunud pomogunaan do Puralan Boros id lisan toi ko' ponuatan.
6. Monoriuk om monginonong koilaan kokomoi tungkus koubasanan tinaru Kadazan om Dusun.
7. Popokito pomogunaan do Kabaalan Abad Ko-21 soira' popoindalan do aktiviti pambalajalan.

DINGKAI KURIKULUM STANDARD SIKUL PINTANGAN KSSM

Nowonsoi o dingkai do KSSM diti maya' kopiongkungan do onom torigi montok momolodi' sosongulun di osulimbang id aspek koinano', ginua' ginawo, korusadan om intelek di okreatif, okritis om inovatif. Poinsungkad o onom torigi diti id gana' toilaan, kabaalan om woyo' di impohonon montok popotounda' do **modal insan**. Torigi nopo di nokomoi nga' Komunikasi, Koburuon koinano' om Estetika, Kotulunan, Koimatuan, Sains & Teknologi om noogi' Korusadan, koulaalaho' om woyo'. Naandang om notimbang o suang do torigi ngaawi' diti id pamansayan do Kurikulum Boros Kadazandusun. Okito miagal id Rajah 1 o kotolinahasan om kopisougkahan do konom-onom torigi diti.



Rajah 1 : Dingkai Kurikulum Standard Sikul Pintangan

HONTOLON

Montok momodimpot do hizab, om dimpoton do mato palajalan diti, noulud o kurikulum Boros Kadazandusun di poposontol do aktiviti kopongia'an om pambalajalan di kaanu kopoigkawasan do kabaalan boros miagal ko' kabaalan mokinongou, moboros, mambasa' om monuat. Suai ko' mantad dilo' ponginabasan do toilaan sistem boros Kadazandusun om kabaalan monoriuk om mongilo tungkus koubasanan om toilaan sandad do tinaru nga' onuan noogi' do panatalan di poinponu'. Sawi-awi' kabaalan om toilaan diti poia'on maya' pongia'an om pambalajalan abad Ko-21.

ABAALAN ABAD KO-21

Poia'on o mato palajalan Boros Kadazandusun maya' pongia'an om pambalajalan Abad Ko-21. Pongia'an om pambalajalan maya' do pomogunaan Kabaalan Abad Ko-21 nopo diti nga' kituduan do momolodi' do tangaanak di kiprofil miagal di pointayad id Jodual 1.

Jodual 1: Profil Tangaanak

PROFIL TANGAANAK	KOINTALANGAN
Aanangan Minsingilo	Aanangan minsingilo montok mogihum strategi om idea wagu. Minsingilo yolo' do kabaalan wagu montok papapanau do aktiviti inkuiri om ponoriukan. Popokito nogi' yolo' do woyo' minsoosondii' id pambalajalan. Kasawang yolo' do pambalajalan potilombus id koposion.
Kiprinsip	Poingigit toririmo yolo' do prinsip songulun di apatong, otulid ginawo, aadang om mamantang kopio do tulun suai toi ko' isoiso' tinimungan. Kopurimon yolo' toririmo do tonggungan diolo' kokomoi nunu nopo koimaan om kootuson di naanu diolo'.

PROFIL TANGAANAK	KOINTALANGAN
Kitoilaan	Aparagat yolo' maganu om mangarati' mogikaakawo toilaan mantad mogikaakawo gana' toilaan. Kibogui nogi' yolo' mogihum koilaan di opinto id konteks do suang om labus pogun. Kopurimon toririmo do isu-isu kokomoi etika om kooturan kokomoi do koilaan di naramit .
Obingupus	Toririmo yolo' popokito woyoo' songulun di kiwoyoo' empati, obinsianan om mamantang do pokionuon om topurimanan do wokon. Ouli' yolo' id kotompunan kumaa do do wokon om toririmo momogompi posorili' diolo' mmoi do atampasi sogiigisom.
Patriotik	Toririmo popokito upus, sokodung om pamantangan kumaa pogun sondii'
Kikataan	Kikotumbayaan id sondii' om abaal do monoguang om monolibamban do kobolingkangan miampai kopurimon woyo' toleransi om empati.

PROFIL TANGAANAK	KOINTALANGAN
Momiimikil	Kipomusarahan di okritis, okreatif om inovatif, kaanu monoguang nunu-nunu nopo kobolingkangan om kaanu maganu kootusan di kietika. Momusorou kokomoi do ponginabasan om kopurimon do fungsi diolo' sabaagi songulun mongiinginobos. Toriirimo poposogu' ponguhatan om poingukab o ginawo kumaa perspektif, woyo' om koubasanan do tulun suai om nogi' kumaa isoiso' tinimungan. Kikotumbayaan id sondii' om okreatif id gana' ponginabasan wagu.
Kikabaalan Takawas id komunikasi	Kikotumbayaan id sondii', okreatif om kikabaalan takawas id komunikasi lisan om ponuatan montok popoboros om popolombus do pomusarahan, topurimanan, sogu' om toilaan miampai momoguno mogikaakawo media om teknologi.

PROFIL TANGAANAK	KOINTALANGAN
Momonsoi buruanon id tinimungan	Aga'an ginawo monguhup do wokon momongo isoiso' buruanon, kopurimon do tonggungan momongo do buruanon diri miapai tambalut suai id tinimungan. Mamantang om monongkotoluad do ponguhupan do wokon. Kabaalan interposonol di aanu maya' aktiviti kolaboratif, kaanu mamadadi diolo' songulun di milo lansanon om songulun puu di tosonong do tinumungan diolo'.

KABAALAN MOMUSOROU TAANG TAKAWAS

Kabaalan Momusorou Taang Takawas (KMTT) nopo nga' iso' kogisaman montok momoguno toilaan, kabaalan om woyo' toluud id proses momogono' montok monolibamban kobolingkaangan, soira' maganu kootuson om kiwoyo' inovasi om kikogisaman montok momudali' isoiso' asil. Kabaalan nopo di poinhanggum id KMTT diti nga' miagal di okito id Jodual 2.

Jodual 2: Kabaalan Momusorou

KABAALAN MOMUSOROU	KOINTALANGAN
Kabaalan Momoguno	Momoguno toilaan, kabaalan om woyo' tolinuud id mogisuai-suai koyuyuyuon montok monoina' isoiso' taina'on.
Kabaalan Mongompuri	Nomompipi' do koilaan montok mangarati' kopio nunu komoyon do koilaan dii om nogi' montok monoinu' pisougkahan do iso' om tiso' koilaan.

KABAALAN MOMUSOROU	KOINTALANGAN
Kabaalan Manahang	Momiadang, maganu kootuson om kaanu manahak pounayan montok isoiso' ahal miampai momoguno kabaalan, toilaan, nawawayaan sondii' om woyo' toluud.
Kabaalan Monupu'	Poposogu' iso' idea toi ko' momudali' isoiso' asil di okreatif om kiwoyo' inovatif.

KMTT nopo nga' iso' kogisaman do momoguno toilaan, kabaalan om woyo' tolinuud id proses momogono' montok monolibamban kobolingkaangan, soira' maganu kootuson om kiwoyo' inovasi om kikogisaman montok momudali' isoiso' asil.

Kabaalan nopo di poinhanggum id KMTT diti nga': kabaalan momusorou di okritis, okreatif om kaanu momogono' om kaanu popokito do pomogunaan do strategi id proses momusorou.

Kabaalan Momusorou di Okritis nopo nga' kokomoi do kabaalan manahang di ologik om aandang kumaa isoiso' pomurangadan di pinosogu' do wokon montok gunoon id proses monimbang isoiso' ahal. Montok iso' proses ponimbangan di aandang, mositi no do morujuk do kointahangan om bukti di aadang.

Kabaalan Momusorou di Okreatif nopo nga' kokomoi do kogisaman montok momudali' isoiso' asil di minomoguno do kabaalan imaginasi om koilaan sandad di poimpidan mantad do wokon.

Kabaalan Momogono' nopo nga' kogisaman do tosoosongulun monimbang om manahang isoiso' ahal.

Strategi Momusorou nopo nga' kokomoi do koulalaho' tongosoosongulun do mongulud ralan momusorou di kifokus montok monolibamban do isoiso' kobolingkaangan.

Kawasa' do guno'on o KMTT id aktiviti pongia'an om pambalajalan id kalas. Asawangan o KMTT diti maya' aktiviti pambalajalan di kiwoyoo' momogono' miagal ko pambalajalan inkuiri, ponolibambanan do kobolingkaangan om nogi' maya' kalaja' projek. Mositi no do momoguno o mongingia' om tangaanak ngaawi' do kakamot pomusarahan miagal do peta pomusarahan om pongudio di kitaang takawas mooi do kounsub do tangaanak do momusorou.

STRATEGI PONGIA'AN OM PAMBALAJALAN

Winonsoi o Kurikulum Standard Sikul Pintangaan toi ko' Kurikulum Standard Sekolah Menengah (KSSM) Boros Kadazandusun diti montok manahak kotilombusan ponginabasan Boros Kadazandusun mantad sikul tosiriba' gisom id sikul pintangaan takawas. Pinosongdiu do konsep monginobos koilaan touhai o pongia'an do KSSR Boros Kadazandusun, montok kopongia'an do KSSM nopo diti nga' pinosongdiu mantad konsep *'taking flight'* toi ko' kotimpunaan do ponginabasan boros di lobi akawas. Ponginabasan do Boros Kadazandusun id KSSM nopo diti nga' poposontol do ponginabasan boros id kohuboyoon di kirati' miampai papaamung sawi-awi' toilaan, kabaalan on woyo' tolinuud do Boros Kadazandusun i kaanu manahak kosiwatan kumaa tangaanak minsingilo maya' aktiviti pambalajalan Abad Ko-21.

Prinsip do Pedagogi Kurikulum Standard

Pinosongdiu do prinsip pedagogi miagal di pointayad id siriba' o pongia'an om pambalajalan do KSSM Boros Kadazandusun :

Pambalajalan Abad Ko-21.

Poia'on o mato palajalan Boros Kadazandusun maya' pongia'an om pambalajalan abad ko-21. Odimpot iti maya' pomogunaan do teknologi, media om digital id aktiviti pongia'an om pambalajalan id kelas. Posontolon id aktiviti pambalajalan do tangaanak o pambalajalan maya' kolaborasi, ponoriukan om pomogunaan do data. Posontolon noogi' o pomogunaan do pomusarahan id taang takawas, okritikal om okreatif id ponolibambanan do isoiso' isu. Mogihup-uhup do manahak toi ko' poposogu' do pomusarahan om ponguhatan miampai aga'an ginawo nga' iso' woyo' do aktiviti pambalajalan abad ko-21.

Komunikatif

Pinosongdiu o impohon pambalajalan di kirati' om kikohuboyoon di otopot o pongia'an di kiwoyo' komunikatif. Poindalanon o aktiviti mikomunikasi miampai momoguno isu di otopot id koposion tikid tatau do tangaanak miagal ko' kinantakan liyud. Maya' aktiviti komunikatif diti, kaanu do kikosiwatan o tangaanak ngaawi' do mogibooboros om mogipaapakat montok maganu kootuson om mogihum ralan ponolibamban do isoiso' isu toi ko' kobolingkangan.

Pambalajalan Koperatif

Odimpot o woyoo' pambalajalan koperatif maya' aktiviti di manahak do kosiwatan kumaa tangaanak do mogipaapakat om mogiuhup-uhup do momonsoi om momongo do isoiso' toina'on. Kawasa' do poindalanon do mongingia' o aktiviti tinimungan id nonggo toisoiso' tangaanak id tinimungan dii mositi no do onuan to tonggungan toi ko' totoina'on.

Pambalajalan Aktif

Unsubon o mongingia' do popoia' kumaa tangaanak o mato palajalan Boros Kadazandusun diti maya' pambalajalan aktif. Odimpot o pambalajalan aktif maya' aktiviti mambasa', monuat om noogi' maya' aktiviti pogibaabaran di kounsub do tangaanak do mongompuri, monsintesis om manahang do isoiso' koilaan toi ko' ahal. Unsubon o mongingia' do mamalan aktiviti pambalajalan i manahak kosiwatan kumaa tangaanak do monolibamban kobolingkangan, monoriuk kes om momoguno do simulasi.

Pambalajalan Maya' Ponolibambanan Kobolingkangan

Paatagon noogi' kumaa' do mongingia' ngaawi' do popoindalan do pongia'an om pambalajalan do Boros Kadazandusun diti momoguno do pambalajalan maya' ponolibambanan kobolingkangan. Odimpot iti maya' aktiviti id kelas di mongunsub to tangaanak do mooguno pomusarahan om kabaalan momogono' montok manahak ponolibamban kumaa isoiso' ahal toi ko' kobolingkangan.

Konstruktif

Unsubon o mongingia' do mongia' momoguno pongia'an kiwoyo' konstruktif mooi do kopongunsub do tangaanak do momoguno toilaan sandad diolo' montok kopogonuan do toilaan wagu'. Odimpot o hizab do pambalajalan diti maya' aktiviti pambalajalan tangaanak o tontokon miagal ko' monolibamban isoiso' kobolingkangan toi ko' id aktiviti ponoriukan sondii'.

Monginobos soosondii'

Posuulon noogi' kumaa' do mongingia' do mato palajalan diti do manahak kosiwatan kumaa do tangaanak do monginobos do Boros Kadazandusun maya' ponginabasan soosondii'. Monginobos soosondii' nopo nga' iso' proses, ponginsamakan om noogi' falsafah di poinsondu id kotumbayaan do tangaanak nopo nga' kaanu toi ko' kotoimo do isoiso' toilaan maya' bogui om lonzo soosondii'. Maya' diti kaanu nogi' o tangaanak do popoingkawas do kabaalan diolo' id ponoriukan, panahangan, pogihuman om ponimungan koilaan om id pogonuan kootusan. Monginobos soosondii' diti kopongunsub do tangaanak do balajal om monginobos tumanud lonzo sondii' maya' ponguhupan do ICT montok momongo do kalaja' sikul om projek.

Pambalajalan Maya' Pongingumuan Totoina'on

Balajal maya' pongingumuan do totoina'on nopo nga' iso' ponginsamakan kawawagu i kopongunsub do tangaanak do momonsoi om momongo isoiso' totoina'on do soosondii'. Mooi do odimpot o hizab do pambalajalan diti, kawasa' o mongingia' do mamalan aktiviti toi ko' manahak aktiviti kumaa tangaanak do momonsoi poster, momolukis mural, momongo tinunturu' toi ko' monoodo do video klip.

Pambalajalan Maya' Pamansayan Projek

Balajal maya' pamansayan projek nopo nga' iso' ponginsamakan pongia'an di manahak kosiwatan kumaa tangaanak do monorimo toilaan om kabaalan maya' ponoriukan, pongintangan om noogi' maya' respon di otonu' montok isoiso' ponguhatan, ahal toi ko' kobolingkangan.

ELEMEN MORENTAS KURIKULUM (EMK)

Poinsuang nopo do EMK nga' iso' nuyudan kabaalan, toilaan toi ko' woyoo' tolinuud di poruhangon id proses pongia'an om pambalajalan. Nopili' o elemen-elemen ngaawi' diti mantad mogikaakawo gana' toilaan. Pasandadon o elemen ngaawi' diti kumaa do tangaanak sikul montok momogonop do kabaalan, toilaan om woyoo' tolinuud diolo'. Oponsol iti montok momolodi' iso' tinaru pakakalaja' di kikabaalan om kitoilaan montok popoburu do ekonomi pogun. Oguno noogi' o kabaalan, toilaan om woyoo' tolinuud diti soira' kotoguang do kobolingkangan id koposion tikid tatau om noogi' montok gunoon id koposion do timpu dumontol. Elemen-elemen nopo di nopili' nga' miagal id pointayad:

Boros

- Oponsol kopio o pomogunaan do boros di kotunud, oulud om olinuud id kopongia'an do sawi-awi' mato palajalan. Unsubon o mongingia' ngaawi' do toriirimo momoguno do boros di kotunud, oulud om olinuud mooi do kopongunsub kumaa tangaanak do toriirimo momoguno do boros di agramatis om olinuud id komunikasi diolo'.

- Suai ko' mantad dii, koponguhup noogi' iti do tangaanak do mongulud om popolombus idea di topinto maya' komunikasi di efektif.

Kotomposianan Kinoyonon Posorili'

- Mositi no do pasandadon id aktiviti pongia'an om pambalajalan do sawi-awi' mato palajalan o koilaan kokomoi manampasi om mintamong do kinoyonon posorili' tokou.
- Oponsol do potonomon o toilaan om sunduan nampasi do kinoyonon posorili' mooi do kopurimon toriirimo o tangaanak do oupus om mintamong do kinoyonon posorili' diolo'.

Woyo' Tolinuud

- Posontolon id sawi-awi' mato palajalan o woyo' tolinuud mooi do kopurimon om kiwoyo' tolinuud toririmo o tangaanak.
- Poinhanggum nopo do woyo' tolinuud diti nga' kokomoi do aspek korusadan, kotulunan om sunduan mamaamasok.

Sains om Teknologi

- Koingkawas o literasi Sains om toilaan Teknologi do tangaanak maya' pomogunaan do bakaang sains om teknologi id proses pongia'an om pambalajalan.
- Suai ko' mantad dilo', kopongunsub noogi' o bakaang ngaawi' diti doid pambalajalan di efektif om efisien.
- Pisoungkahan do toilaan Sains om Teknologi id pongia'an om pambalajalan poposontol do 4 ahal:
 - (i) Toilaan kokomoi Sains om Teknologi (fakta, prinsip, konsep di kokomoi do toilaan Sains om Teknologi);
 - (ii) Kabaalan saintifik (kokomoi isoiso' proses momusorou om kabaalan manipulatif);
Koulaalaho' di pionsaintifik (kotunud, kotulidan ginawo, koulomoligan); om
 - (iii) Pomogunaan bakaang teknologi id aktiviti pongia'an om pambalajalan.

Patriotisme

- Kasandad o sunduan patriotik maya' kampanyatan do tangaanak id aktiviti pambalajalan do sawi-awi' mato palajalan om noogi' maya' kampanyatan doid aktiviti kurikulum om aktiviti monompuan do mogiigiyon posorili' diolo'.

- Sunduan patriotik diti kaanu momolodi' do tangaanak di oupus do pogun sondii' om ounsikou toriirimo sabaagi songulun mamaamasok id pogun Malaysia.

Kreativiti om Inovasi

- Kreativiti nopo nga' kokomoi do kogisaman momoguno do imaginasi montok monimung, mongompuri om poposogu' do isoiso' idea toi ko' momudali' asil kawawagu di poimpidan mantad do wokon.
- Inovasi nopo nga' kokomoi do pomogunaan do pomusarahan di okreatif montok monimban, monginwasi' om momoguno do idea di nokosogu'.
- Kreativiti om inovasi nopo nga' duo kabaalan di sopintanud om oponsol montok momolodi' tinimungan pakaakalaja' di kaanu monompuan om monoina' do koposion id Abad ko-21 diti.

Pongindopuan

- Mositi nogi' do pasandadon o kabaalan di oguno id pongindopuan mooi do katanom nodii o koulaalaho' songulun mongiingindapu' di nakalantoi id tangaanak ngaawi'.
- Iri nodii do unsubon ngaawi' o mongingia' do poposisip woyo' tolinuud do songulun mongiingindapu' id proses pongia'an om pambalajalan. Woyo' nopo ngaawi' dii nga' miagal ko' abagos, otulid ginawo, milo lansanon om kitonggungan. Suai ko' mantad dilo' unsubon nogi' o mongingia' do toriirimo popoburu' do pomusarahan di okreatif om inovatif id tangaanak mooi do kaanu nodii yolo' poposogu' idea di topinto.

Teknologi Koilaan om Pionitan

- Momoguno do bakaang teknologi koilaan om pionitan id proses pongia'an om pambalajalan kaanu papapanggor toilaan om kabaalan do tangaanak do momoguno teknologi timpu baino.
- Momoguno do toilaan kokomoi teknologi toilaan om pionitan diti noogi' kopongunsub do pomusarahan di okreatif do tangaanak, kaanu poposodia' proses pongia'an om

pambalajalan di kagayat do kaanangan do tangaanak om kaanu nogi' popoingkawas do kualiti pambalajalan.

PONTAKSIRAN

Kawasa' do papanahon o Pontaksiran Standard Pambalajalan maya' duo kawo pontaksiran.

- **Pontaksiran Woyo' Formatif**
- **Pontaksiran Woyo' Sumatif**

Taang koinabasan do tangaanak id pomogunaan do boros milo tipongon maya' koduo-duo kawo pontaksiran diti.

Pontaksiran Woyo' Sumatif

Papanahon o pontaksiran woyo' sumatif maya' poniisan toi ko' panaasan formal. Maya' pontaksiran diti, kaanu o mongingia' ngaawi' do monimung profil di popokito koburuon do tangaanak id poninabasan do Boros Kadazandusun. Kawasa' do papanahon o pontaksiran diti montok tosoosongulun tanak. Tudu nopo do pontaksiran woyo' sumatif nga' monipong om monimung koilaan kokomoi taang koinabasan do tangaanak minsingilo do Boros Kadazandusun.

Pontaksiran Woyo' Formatif

Papanahon o pontaksiran woyo' formatif do poingompus toun montok mongilo nunu o taang koinabasan do tangaanak. Koingdalan o pontaksiran diti maya' pongintangan moo*i* do kaanu nodii mongingia' do monipong kogisaman do tangaanak monginobos boros ontok poingampayat id aktiviti pambalajalan boros. Pontaksiran woyo' diti kapanahak kounalan kumaa mongingia' om tangaanak nogi'. Maya' pongintangan diolo', kaanu o mongingia' do koilaan kokomoi tangaanak di au' kodimpot toi ko' au' kaampayat id aktiviti di papanahon id kelas. Soira' okito do mongingia' o kobolingkangan diti, oponsol papanahon do mongingia' o aktiviti suai di kosudong om kaanu mongunsub do tangaanak dii do monginobos boros. Kosudong nogi' o pontaksiran woyo' formatif montok mongintong kogisaman do tangaanak id kabaalan mokinongou om maboros. Ponginsamakan di kawasa' do gunoon montok pontaksiran woyo' formatif nopo nga' maya' folio, kalaja' id tinimungan, pongimatan om maya' aktiviti monginobos boros miagal ko' mambasa' om kuiz.

Kointalangan Taang Koinabasan Poimbida'

Noulud o Taang Koinabasan Poimbida' diti montok papatantu' taang koinabasan sosongulun tanak id koowian toun. Gunoon o taang koinabasan di pointayad id jodual 3 montok monipong koinabasan tangaanak id sawi-awi' kabaalan boros. Iri nodii do oponsol do kaanu o mongingia' monipong taang koinabasan do tangaanak maya' ponginamatan professional di poinwoyo' kolektif om holistik.

Jodual 3: Kointalangan kokomoi Taang Koinabsan Poimbida' Mato Palajalan Boros Kadazandusun Sikul Pintangaan

STANDARD PRESTASI	
TAANG	KOINTALANGAN
1	<ul style="list-style-type: none"> • Kaanu momuhondom kawagu koilaan di norongou, nokito toi ko' nabasa'. • Koilaan di polombuson, patahakon toi ko' di posuraton au' poingonop.
2	<ul style="list-style-type: none"> • Kaanu momuhondom om mangarati' koilaan di norongou, nokito toi ko' nabasa'. • Koilaan di polombuson, patahakon toi ko' di posuraton kosudong om olinuud.

STANDARD PRESTASI	
TAANG	KOINTALANGAN
3	<ul style="list-style-type: none"> • Kaanu mangarati' om momoguno koilaan di norongou, nokito toi ko' nabasa'. • Koilaan di polombuson, patahakon toi ko' di posuraton kotunud om olinuud.
4	<ul style="list-style-type: none"> • Kaanu mongompuri om momoguno koilaan mantad nunu i norongou, nokito toi ko' nabasa'. • Koilaan di polombuson, patahakon toi ko' di posuraton kotunud, oulud om olinuud.
5	<ul style="list-style-type: none"> • Kaanu momoguno koilaan di noompuri om natahang mantad nunu i norongou, nokito toi ko' nabasa'. • Koilaan di polombuson, patahakon toi ko' di posuraton opinto, kirati', oulud, olinuud om popokito woyo' pomusarahan di takawas.
6	<ul style="list-style-type: none"> • Kaanu mongompuri, manahang om mongulud koilaan mantad nunu i norongou, nokito toi ko' nabasa'. • Koilaan di polombuson toi ko' patahakon opinto, kirati', oulud, olinuud, popokito woyo' pomusarahan di takawas om momoguno idea sondii'.

PONGULUDAN PONUANGAN

Abaagi' o sikul pintangaan do duo pangaan:

- **Pangaan 1 : Pintangaan tosiriba' (Tingkatan 1,2,3)**
- **Pangaan 2: Pintangaan takawas (Tingkatan 4 om 5)**

Nonuan do duo (2) timpu sominggu o pongia'an om pambalajalan mato palajalan Boros Kadazandusun id KSSM. Poia'on o mato palajalan Boros Kadazandusun diti tumanud ponginsamakan woyo' modular. Ponginsamakan woyo' modular diti kaanu popisoungko toinsanan kabaalan boros di strategik montok tuduan do popoingkawas kabaalan boros miagal di poinsuat id Standard Ponuangan om Standard Pambalajalan.

Ponginsamakan Modular

Minaganu do ponginsamakan woyo' modular o mato palajalan Boros Kadazandusun diti. Suai ko' mantad dilo' noulud noogi' o Kurikulum Boros Kadazandusun diti momoguno do dingkai di poinsondu do standard. Maya' ponginsamakan modular, nabaagi o Kurikulum Boros Kadazandusun doid limo modul. Poinsuang nopo do toiso-iso' modul dilo' nga' Standard Ponuangan, Standard Pambalajalan om Standard Prestasi.

	1	2	3	4	5
Uhu 1	Modul Mokinongou & Moboros	Modul Mambasa'	Modul Monuat	Modul Kolumison Boros	Modul Puralan Boros
Uhu 2					
Uhu 3					
Uhu 4					
Uhu 5					
Uhu 6					
Uhu 7					
Uhu 8					
Uhu 9					
Uhu 10					

Jodual 4: Kointalangan kokomoi ponguludan modul

Standard Ponuangan, Standard Pambalajalan om Standard Prestasi

Jodual 5: Kointalangan kokomoi Standard Ponuangan, Standard pambalajalan om Standard Prestasi

Standard Ponuangan	Standard Pambalajalan	Standard Prestasi
Kointalangan poimbida' kokomoi toilaan, kabaalan om koowoyoo' di milo dimpoton toi ko' inoboson do tangaanak id kolimpupuson do Tingkatan 5.	Kointatapan do kriteria toi ko' indikator kualiti pambalajalan om koinabasan di milo tuku'on montok momodimpot isoiso' Standard Ponuangan.	Iso' nuludan kriteria poimbida' di noulud montok popokito taang koinabasan di milo dimpoton toi ko' pokitonon do tangaanak sabaagi panakatanda' do nokoinobos o tangaanak do isoiso' toilaan, kabaalan toi ko' woyo' di nokoia'.

Sogu' Popoindalan Pongia'an om Pambalajalan

Onuan do fokus di pointantu toiso-iso' modul id isoiso' timpu pongia'an. Intangai jadual id siriba' diti montok mongintong poomitanan do mamalan aktiviti pongia'an om pambalajalan montok isoiso' uhu:

Jodual 6: Poomitanan do mamalan aktiviti pongia'an om pambalajalan montok isoiso' uhu.

Uhu 1					
Minggu 1		Minggu 2		Minggu 3	
Timpu koiso'	Timpu koduo	Timpu koiso'	Timpu koduo	Timpu koiso'	Timpu koduo
Kabaalan Mokinongou & Maboros	Kabaalan Mambasa'	Kabaalan Puralan Boros	Kabaalan Monuat	Kabaalan Kogingohon Boros	

Tema

Pinoimpou tema di kosudong montok tangaanak id sikul pintangan o ponuangan tikid gana' pomogunaan boros id pambalajalan Boros Kadazandusun. Tema nopo ngaawi' di nga':

- Global
- Koilaan kousinan om Pongindopuan
- Sivik
- Kolidasan
- Koilaan Kinoyonon Posorili'

Kawasa' o mongigia' do momili' uhu montok isoiso' tema di pointantu. Uhu nopo di kawasa' do pili'on om kagayat do kaanangan do tangaanak nga' uhu di kirati' id koposion tikid tadau om uhu kokomoi timpu baino i asaru' kalabus id media masa om media elektronik.

Sabaagi iso' poomitanan, kosudong do pili'on o uhu kokomoi liyud miagal ko 'Liyud id kinoyonon ku' montok tema 'Koilaan Kinoyonon Posorili', soira' kiwaa kinantakan do liyud id posorili' kinoyonon. Uhu diti kopongunsub tangaanak do mogibooboros kokomoi kinantakan do liyud dii om nogi' kaanu mongunsub tangaanak do mogiilang-ilang koilaan kokomoi nunu i nawayaan soira' noliyudan o kinoyonon diolo'. Maya' pogibaabarasan diti, kaanu tangaanak mogiolon-olon do koilaan kokomoi pason pogoduhan molohing di tinu' i' om nogi' susuyan om kotumbayan sandad tinaru Kadazan om Dusun kokomoi isoiso' kinantakan liyud. Kopongia'an do uhu diti nogi' kaanu popisoungko sawi-awi' kabaalan boros.

Kurikulum Boros Kadazandusun Tingkatan 1

Standard Pambalajalan Boros Kadazandusun Tingkatan 1 diti papasanarai taang koilaan, kabaalan, tadampatan om koinabasan boros Kadazandusun di mositi do dimpoton om inoboson do tangaanak id Tingkatan 1 do sikul pintangaan

Modul Mokinongou om Moboros

Pinosongdiu o ponguludan do Standard Ponuangan om Standard Pambalajalan do modul diti do Taksonomi Mokinogou Lund (1990). Poinga'an om pambalajalan do modul mokinongou om moboros nopo diti nga poinfokus do maganu, mongompuri om manahak tusili' kumaa koilaa id bahan di norongou toi ko' nokito. Suai ko' mantad dilo' pongia'an om pambalajalan do modul diti noogi' manahak panatalan kumaa popoigkawas do kabaalan popolombus boros, ayat, ponuhuan, susuyan, kopoilaan, koilaan id rencana om aktiviti mikomunikasi miagal ko id pibarasan, pogibaabaran id tinimungan om noogi' maya' aktiviti kapabantaan.

Poinsuang nopo do Standard Ponuangan do Modul diti nga' kokomoi do koilaan monimung koilaan om manahak tusili' di kotunud kumaa do koilaan dii. Suai ko mantad dilo' kabaalan miintoraksi om mikomunikasi lisan nga' poinsuang noogi' id modul diti.

Montok momodimpot do kabaalan di noulud id Standard Ponuangan ngaawi' dilo', nowonsoi iso' nuyudan Standard Pambalajalan di mositi no do poia'an do mongingia' kumaa tangaanak id Tingkatan 1. Mositi noogi' do inoboson do tangaanak o Standard Pambalajalan ngaawi' diti. Poinsuang nopo do Standard Pambalajalan do Modul Mokinogou om Moboros montok Tingkatan 1 diti nga' kokomoi do kabaalan monimung koilaan mantad mogikaakawo tuni, ayat om teks parangahan. Aktiviti mongompuri, manahang om manahak tusili' di kotunud nga' haro noogi' poinhanggum id Standard Pambalajalan Tingkatan 1. Aktiviti miintoraksi om mikomunikasi lisan nopo montok do Tingkatan 1 nga' popolombus ponuhuan, susuyan, kopoilaan om poposunud koilaan mantad rencana.

Modul Mambasa'

Pinosongdiu o ponguludan do Standard Ponuangan om Standard Pambalajalan do modul diti o Taksonomi Bloom i nouulud kawagu di Anderson & Krathwohl (2001). Poinga'an om pambalajalan do modul mambasa' nopo diti nga' manahak fokus kumaa kabaalan tangaanak do popolombus boros (decoding), kalantasan mambasa' om pongorotian komoyon boros om koilaan. Suai ko' mantad dilo' pongia'an om pambalajalan do modul diti noogi' manahak panatalan kumaa kopoiingkawasan do toilaan tangaanak om nogi papasandad do strategi mambasa' montok mangarati' om monginonog do koilaan id teks di basa'on.

Poinsuang nopo do Standard Ponuangan do modul diti nga' kokomoi do kabaalan popolombus boros, ayat, frasa om teks miampai momoguno do pomoroitan om loyuk di kotunud. Suai ko' mantad dilo' haro nogi' kabaalan mongilo suang do teks miagal ko' mongilo komoyon boros, monoinu' om monindu' koilaan om mesej id teks. Montok kopongorotian di lobi akawas, pinaharo o kabaalan popolombus kawagu do koilaan id teks pambasa'an om mogiolon-olon toilaan kokomoi teks, uhu, ahal toi ko' kobolinkangan id teks di nabasa'. Kininaru do 80 gisom 120 patod boros o teks di basa'on do tangaanak montok do Tingkatan 1-3.

Monuat

Pinosongdiu o ponguludan do Standard Ponuangan om Standard Pambalajalan do modul diti do Prinsip Pongia'an om Pambalajalan Kabaalan monuat. Pongia'an om pambalajalan do modul monuat nopo diti nga' manahak fokus kumaa kabaalan do tangaanak do momonsoi ponuatan di kotunud om olinuud, katangkasan monuat om kabaalan momonsoi mogikaakawo teks montok mogikaakawo kohuboyoon.

Poinsuang nopo do Standard Pambalajalan do modul diti nga' aktiviti momonsoi mogikaakawo ayat, mongulud idea montok pamansayan pangaan om teks om noogi' montok pamansayan do mogikaakawo teks miagal ko' deskriptif, naratif om teks di manahak pomusarahan. Teks kifomat nopo di poia'on kumaa tangaanak id Tingkatan 1 nga' miagal ko' kopoilaan om rencana. Suai ko' mantad dilo' poia'on noogi' o strategi momonsoi susuyan om ponuhuan. Kininaru do 80 gisom 120 patod boros o teks di wonsoyon do tangaanak montok do Tingkatan 1-3.

Kolumison Boros

Pinoharo o Modul Kolumison Boros id KSSM diti montok manahak kosiwatan kumaa tangaanak sikul pintangaan do momoguno boros Kadazandusun id kohuboyoon di okreatif. Modul diti noogi' manahak kosiwatan kumaa tangaanak monoriuk, mongilo om monginlaab toilaan kokomoi do tinaru Kadazan om Dusun. Suai ko' mantad di, kasakadai nogi' o pongia'an diti kumaa kopurokisan tangaanak di mogisuai-suai montok papapanggor pongorotian tangaanak kumaa teks sastara om tungkus koubasanan tinaru Kadazan om Dusun. Pongia'an do modul diti nogi' kaanu papapantod pomogunaan kaapat-apat kabaalan boros; mokinongou, moboros, mambasa' om monuat maya' kapabantaan di okreatif.

Poinhangum nopo id suang do Standard Ponuangan do Modul Kolumison Boros diti nga' kokomoi do kabaalan monoriuk om manahang do koilaan kokomoi do identiti tinaru, aktiviti monginlaab do toilaan kokomoi do tungkus koubasanan tulun mamasok, mongilo om manahak rekomen do toilaan sandad tinaru mamaamasok om popointutun do sawi-awi' koilaan diti maya' aktiviti kapabantaan toi ko' kapamansayan do luputan.

Pinosongdu do Domain Afektif do Taksonomi Bloom o ponguludan do Standard Pambalajalan do modul diti. Poinhaggum nopo do Standard Pambalajalan do Tingkatan 1 diti nga' popolombus Sudawil, mongintutun ngaran om guno do susumuni, papanau ponorubungan montok monimumng koilaan kokomoi kaadat-adato' om pogoduhan tinaru Kadazan om Dusun momonsoi tinunturu' om poposunud kokomoi sawi-awi' diti maya' aktiviti kapabantaan om pomansayan buuk skrap, kolaj om poster.

Iri nodii do tudukan do mongigia' o tangaanak do ralan poposodia' om papabanta do isoiso' kapabantaan. Iri nopo koilaan di pabantahon do tangaanak nga' kokomoi do asil kalaja' projek toi ko' ponoriukan tinimungan maya' aktiviti minsingkono', poposunud suang do poster toi ko' kolaj om noogi' popoilo nunu i nowonsoi id buuk skrap, folio, lakaran, bukakak, kad, toi ko' brosur.

Puralan Boros

Kabaalan Puralan Boros nopo nga' kokomoi do kogisaman do tangaanak momoguno Sistem Boros Kadazandusun di kotunud id mogisuusuai kohuboyoon. Panatalan nopo do pongia'an Sistem Boros id Kurikulum Boros Kadazandusun diti nga' koilaan momoguno Sistem Tuni, Sistem Ija'an, Sompuruan Boros, Pomoroitan Ginumu' om nogi' Tukadan. Suai ko' mantad dilo' onuan nogi' do panatalan koilaan momonsoi mogikaakawo boros om ayat.

Id kolimpupuson do Tingkatan 5, kaanu o tangaanak do momoguno do Sistem Tuni Boros Kadazandusun id lisan om Sistem Ija'an Boros Kadazandusun id ponuatan. Suai ko' mantad dilo, kaanu nogi' o tangaanak do momoguno mogikaakawo Sompuruan Boros, Kopomoroitan Ginumu' om Tukadan id lisan om ponuatan. Kaanu nogi' o tangaanak do momonsoi mogikaakawo boros om ayat di agramatis om olinuud.

Poinhanggum nopo id Standard Pambalajalan Tingkatan 1 diti nga' kabaalan monoinu' sistem tuni om sistem ija'an do Boros Kadazandusun, momonsoi ayat toomod, pongudio, ponuhuan om kotigagan miampai momoguno do mogikaakawo pola om nuludan nuludan ayat. Suai ko mantad dilo', poia'on noogi' kumaa do tangaanak o kabaalan mogihum komoyon tukadan.

Sistem Boros

Abaagi o sistem boros Kadazandusun id piipiro komponen: Fonetik, Fonologi, Sistem Ija'an, Morfologi, Sintaksis, Kopomoroitan Ginumu' om Tukadan. Oponsol do po'ia'on koilaan momoguno Sistem Boros kumaa tangaanak di minsingilo do boros Kadazandusun mooi do kaanu nodii o tangaanak do momoguno boros Kadazandusun di kotunud om oulud.

i. Fonetik om Fonologi

Oponsol do posunudon kumaa do tangaanak o koilaan mamarait om popolombus boros miampai momoguno loyuk om kopolombusan di pointunud mooi do koilo o tangaanak do mamarait boros om popolombus ayat di pointunud. Oponsol o koilaan diti id Boros Kadazandusun mooi do kaanu dii o tangaanak do popolombus komoyon di kotunud kumaa tulun suai. Suai ko' mantad dii, oponsol nogi' o koilaan diti mooi do kaanu o tangaanak do mangarati' boros om komoyon do tulun suai id pilumaagan tikid tatau.

ii. Sistem Ija'an om Ponuatan

Oponsol kopio do posunudon kumaa do tangaanak o Sistem Ija'an Boros Kadazandusun mooii do kaanu o tangaanak do momonsoi ponuatan di pointunud om oulud. Id Sistem Ija'an minog do inoboson do tangaanak o piipiro aspek mooii do kaanu nodii yolo' do

momonsoi ponuatan di poimpunong. Pointayad id siriba' diti, toinsanan aspek di oponsol do oilaan:

- a) pimato Boros Kadazandusun
- b) Sigot / ' /
- c) / b / om / d / om / b / om / d /
- d) vokal tanaru om diftong
- e) konsonan on vokal noolos

iii. Morfologi

Morfologi nopo nga' iso' gana' toilaan di monoriuk pamansayan boros. Abaagi o aspek Morfologi Kadazandusun id 2 komponen: Sompuruan Boros om Pamansayan Boros. Pointayad id siriba' diti nopo nga' aspek di okito id morfologi.

MORFOLOGI	
Sompuruan Boros:	Pamansayan Boros
<ol style="list-style-type: none"> 1. Boros Ngaran 2. Boros Maan 3. Boros Ula 4. Boros Toguangan 	<ol style="list-style-type: none"> 1. Struktur Boros <ul style="list-style-type: none"> (a) Boros Sandad (b) Boros Noolos 2. Bontuk Boros <ul style="list-style-type: none"> (a) Boros Mintootoiso (b) Boros Nosugku (c) Boros Misompuru (d) Boros Misaup (e) Pananda Wacana (f) Partikol (g) Tanda' Basa'

iv. Sintaksis

Sintaksis nopo nga' iso' ponoriukan kokomoi pamansayan ayat. Abaagi id 2 komponen o aspek sintaksis diti.

SINTAKSIS	
Ponguludan Boros	Sistem Panandaan
<p>1. Guas Ayat</p> <p>a) Pola Frasa Ngaran + Frasa Ngaran</p> <p>b) Pola Frasa Maan + Frasa Ngaran</p> <p>c) Pola Frasa Ula + Frasa Ngaran</p> <p>d) Pola Frasa popiromut Ngaran + Frasa Ngaran</p> <p>2. Bontuk Ayat</p> <p>a) Ayat Mintootoiso</p> <p>b) Ayat Misompuru</p> <p>3. Kawo Ayat</p> <p>a) Ayat Toomod</p> <p>b) Ayat Pongudio</p> <p>c) Ayat Ponuhuan</p> <p>d) Ayat Kotigagan</p> <p>4. Nuludan Ayat</p> <p>a) VSO</p> <p>b) VSO(IO) / VS(IO)O</p> <p>c) VSO(L)</p> <p>d) VSO(T)</p> <p>e) VSO(L)(T) / VSO(T)(L)</p>	<p>1. Pananda Fokus</p> <p>2. Partikol</p> <p>3. Penanda Timpu</p>

v. Kopomoroitan Ginumu'

Tinayadan tinimungan boros diti kisuang do boros di asaru' do oguno id pibarasan toi ko' id ponuatan om oponsol do inoboson do tangaanak ngaawi'. Sundung po do ingkaa, oponsol nogi' do poia'on do mongigia' o boros suai i au' nokosanarai id tinayadan diti miampai tumanud tema toi ko' uhu di nokosuul id Standard Ponuangan. Kopomoroitan ginumu nopo nga' popiumbangan do Boros Ngaran Koizaai i popokito do ginumu'. Kiwaa 2 kowowoyoo' do kopomoroitan ginumu:

- Kopomoroitan Ginumu' Ointob
- Kopomoroitan Ginumu' Au' Ointob

vi. Tukadan

Poinhanggum no id tukadan o boros mikagos, poiradan om poniriban i oponsol do po'ia'on kumaa tangaanak mooi do kaanu nodii yolo' mongintutun om momoguno do tukadan id lisan toi ko' ponuatan montok popokito iso' ponginabasan do boros di takawas.

Nota: Montok popomogot do toilaan kokomoi Sistem Boros Kadazandusun kawasa' do momorujuk do buuk Puralan Boros Kadazandusun id Sikul i pinalabus do Bahagian Pembangunan Kurikulum, Kementerian Pendidikan Malaysia

1.0 KABAALAN MOKINONGOU OM MOBOROS

STANDARD PONUANGAN	STANDARD PAMBALAJALAN
<p>1.1 Mokinongou montok mongompuri tuni boros.</p>	<p>Kaanu o tangaanak:</p> <p>1.1.1 popisuai tuni i. phoneme ii. vokal toniba' om tanaru</p> <p>1.1.2 popitongkiad putul boros.</p> <p>1.1.3 monoinu' titik kasatalan id isoiso' boros.</p> <p>1.1.4 monginomot pimato di natatak id isoiso' boros.</p>
<p>1.2 Momoguno boros di kotunud id komunikasi lisan.</p>	<p>1.2.1 momoguno pomoroitan di kotunud montok mamarait i. phoneme ii. vokal toniba' om tanaru</p> <p>1.2.2 popisudong putul boros montok mamarait boros.</p> <p>1.2.3 popoboros isoiso' boros miampai momoguno do titik kasatalan di kotunud.</p> <p>1.2.4 mamarait boros montok isoiso' boros di natatakan do pimato.</p> <p>1.2.5 mongintutun komoyon boros.</p>

STANDARD PONUANGAN	STANDARD PAMBALAJALAN
<p>1.3 Mokinongou montok maganu om mongompuri do koilaan mantad <u>b</u>ahan di norongou.</p>	<p>1.3.1 mongintutun loyuk kobooboroso' di norongou. i. ponuhuan ii. susuyan iii. kopoilaan iv. rencana</p> <p>1.3.2 momuhondom malik koilaan di noguno id bahan di norongou. i. boros ii. ayat iii. koilaan</p> <p>1.3.3 monindu' komoyon mantad <u>b</u>ahan di norongou. i. boros ii. ayat iii. koilaan</p> <p>1.3.4 monginomot koilaan mantad <u>b</u>ahan di norongou. i. koilaan toponsol ii. koilaan ponokodung</p> <p>1.3.5 monimung koilaan mantad <u>b</u>ahan di norongou momoguno do peta pomusarahan.</p>

STANDARD PONUANGAN	STANDARD PAMBALAJALAN
<p>1.4 Manahak tisuli' kumaa koilaan di norongou toi ko' di nokito.</p>	<p>1.4.1 mogibooboros kokomoi <u>b</u>ahan di norongou toi ko' nokito. i. tema ii. uhu iii. tonsi iv. isu</p> <p>1.4.2 mogibooboros montok momili' koilaan id <u>b</u>ahan di norongou toi ko' di nokito.</p> <p>1.4.3 monguhot montok mokianu koilaan lobi.</p> <p>1.4.4 mogibooboros montok mogihum ponolibam<u>b</u>an do isoiso' ahal.</p> <p>1.4.5 manahang koilaan di notimung mantad <u>b</u>ahan di norongou toi ko' di nokito.</p> <p>1.4.6 momolinkum koilaan mantad <u>b</u>ahan di norongou toi ko' di nokito.</p> <p>1.4.7 poposunud koilaan di noompuri tumanud nuludan di kotunud.</p> <p>1.4.8 momoguno koilaan di notimung montok momongo isoiso' buruanon.</p>

STANDARD PONUANGAN	STANDARD PAMBALAJALAN
<p>1.5 Popolombus pomusarahan di opinto id komunikasi miampai momoguno boros di kotunud, ayat di agramatis om kobooboroso' di olinuud.</p>	<p>1.5.1 momili' boros di kosudong id komunikasi lisan.</p> <p>1.5.2 momoguno ayat di kotunud id komunikasi lisan.</p> <p>1.5.3 popisuai loyuk kobooboroso' id komunikasi lisan.</p> <p>1.5.4 popolombus</p> <ul style="list-style-type: none"> i. pibarasan <ul style="list-style-type: none"> a. popoilo b. monguhot c. monuhu' d. popolombus pomusarahan ii. susuyan iii. kopoilaan

TAANG KOINABASAN KABAALAN MOKINONGOU OM MOBOROS

STANDARD PRESTASI	
TAANG KOINABASAN	KOINTALANGAN
1	Kaanu monugut isoiso' boros. Nabatil. Au' popokito kaparagatan momongo isoiso' buruanon.
2	Kaanu popoboros do koilaan di kosudong miampai popokito kaparagatan do momoguno boros Kadazandusun di songisom. Kaanu popokito kaparagatan do momongo isoiso' buruanon.
3	Kaanu popoboros do koilaan di kotunud miampai momoguno boros Kadazandusun di olinuud. Aparagat do momongo isoiso' buruanon.
4	Kaanu popoboros do koilaan di kotunud miampai momoguno boros Kadazandusun di oulud om olinuud. Kaanu popokito kabaalan mongompuri soira' maganu do koilaan om aparagat do momongo isoiso' buruanon.
5	Kaanu popoboros do koilaan di opinto miampai momoguno boros Kadazandusun di kotunud, oulud om olinuud. Kaanu popokito kabaalan mongompuri om manahang soira' maganu do koilaan om aparagat do momongo isoiso' buruanon.
6	Kaanu popoboros do koilaan di opinto miampai momoguno boros Kadazandusun di kotunud, oulud, olinuud om popokito woyo' pomusarahan di okreatif, okritis om akawas.

2.0 KABAALAN MAMBASA'

STANDARD PONUANGAN	STANDARD PAMBALAJALAN
<p>2.1 Popolombus mogikaakawo ayat om teks momoguno loyuk di kotunud.</p>	<p>Kaanu o tangaanak:</p> <p>2.1.1 popolombus boros tumanud pomoroitan om loyuk di pointunud mantad mogikakawo ayat om teks.</p> <p>2.1.2 popolombus do frasa om ayat miampai momoguno pomoroitan om kolooloyuko' di pointunud mantad mogikakawo teks.</p> <p>2.1.3 popolombus mogikaakawo teks do alantas om otolinahas.</p> <ol style="list-style-type: none"> i. Ponuhuan ii. Susuyan iii. Kopoilaan iv. Rencana

STANDARD PONUANGAN	STANDARD PAMBALAJALAN
2.2 Maganu om mogompuri koilaan mantad bahan di nabasa'.	2.2.1 momusorou kawagu koilaan di nabasa'. 2.2.2 mongintutun koilaan mantad i. uhu ii. teks iii. bahan pongunsub 2.2.3 mogihum koilaan id teks om id grafik. 2.2.4 Monompipi' tinimungan boros mantad teks di nabasa'.

STANDARD PONUANGAN	STANDARD PAMBALAJALAN
2.3 Manahak tisuli' kumaa koilaan di notimung mantad <u>b</u>ahan di <u>n</u>abasa'.	2.3.1 papatayad koilaan di noompuri momoguno peta pomusarahan. 2.3.2 momoguno koilaan di notimung montok monim <u>b</u> ar ponguhatan. 2.3.3 mongulud koilaan di notimung tumanud nuludan di kotunud. 2.3.4 popointalang komoyon boros.

STANDARD PONUANGAN	STANDARD PAMBALAJALAN
<p>2.4 Popoilo kawagu koilaan di nabasa'.</p>	<p>2.4.1 popoboros kawagu koilaan di nabasa'.</p> <p>2.4.2 popoilo mesej kokomoi uhu id teks pambasaan toi ko' bahan pongunsub.</p> <p>2.4.3 popotolinahas tonsi id bahan grafik.</p> <p>2.4.4 popointalang tonsi di nabasa'.</p>
<p>2.5 Monginonong koilaan id teks toi ko' bahan di nokito.</p>	<p>2.5.1 papasanarai woyoo' toluud id teks toi ko' bahan di nabasa'.</p> <p>2.5.2 poposuul pomusarahan kokomoi ahal id teks di nabasa' toi ko' bahan di nokito.</p>

TAANG KOINABASAN KABAALAN MAMBASA'

STANDARD PRESTASI	
TAANG KOINABASAN	KOINTALANGAN
1	Au' alantas do mambasa'. Kaanu momuhondom malik koilaan di nabasa'. Au' popokito kaparagatan momongo isoiso' buruanon.
2	Alantas do mambasa' nga' au' otolinahas. Kaanu mangarati koilaan di nabasa'. Kaanu popolombus do koilaan di nabasa' miampai popokito kaparagatan do momoguno boros Kadazandusun di songisom. Kaanu popokito kaparagatan do momongo isoiso' buruanon.
3	Alantas om otolinahas do mambasa'. Kaanu mangarati' om momoguno do koilaan di nabasa'. Kaanu popolombus do koilaan di kotunud miampai momoguno boros Kadazandusun di olinuud. Aparagat do momongo isoiso' buruanon.
4	Alantas om otolinahas do mambasa' miampai kaanu momoguno loyuk di kotunud. Kaanu popokito kabaalan mongompuri soira' maganu do koilaan di nabasa' om aparagat do momongo isoiso' buruanon. Kaanu popolombus do koilaan di kotunud miampai momoguno boros Kadazandusun di oulud om olinuud.

<p>5</p>	<p>Alantas om otolinahas do mambasa' miampai kaanu momoguno loyuk di kotunud. Kaanu popokito kabaalan mongompuri om manahang soira' maganu do koilaan. Kaanu popoboros do koilaan di opinto miampai momoguno boros Kadazandusun di kotunud, oulud om olinuud om aparagat do momongo isoiso' buruanon.</p>
<p>6</p>	<p>Alantas om otolinahas do mambasa' miampai kaanu momoguno loyuk di kotunud. Kaanu popokito kabaalan mongompuri om manahang soira' maganu do koilaan. Kaanu popoboros do koilaan di opinto miampai momoguno boros Kadazandusun di kotunud, oulud, olinuud om popokito woyo' pomusarahan di okreatif, okritis om akawas.</p>

3.0 KABAALAN MONUAT

STANDARD PONUANGAN	STANDARD PAMBALAJALAN
<p>3.1 Monuat ayat di kotunud, olinuud om agramatis.</p>	<p>Kaanu o tangaanak:</p> <p>3.1.1 momonsoi boros miampai momoguno ija'an di kotunud.</p> <p>3.1.2 momonsoi mogikaakawo ayat.</p> <p>3.1.3 momoguno tanga' basa' di kotunud id ponuatan ayat.</p> <p>3.1.4 momili' tinimugan boros di kotunud montok momonsoi ayat di olinuud om kirati'.</p>

STANDARD PONUANGAN	STANDARD PAMBALAJALAN
<p>3.2 Momonsoi mogikaakawo ponuatan.</p>	<p>3.2.1 mongintutun format do isoiso' ponuatan</p> <p>3.2.2 momonsoi mogikaakawo ponuatan kifformat</p> <ul style="list-style-type: none"> i. ponuhuan ii. susuyan iii. kopoilaan iv. rencana <p>3.2.3 momonsoi ponuatan id pangaan toniba'.</p> <p>3.2.4 momonsoi ponuatan montok:</p> <ul style="list-style-type: none"> i. popointalang isoiso' ponuhuan ii. monusui isoiso' kinantakan iii. popotolinahas isoiso' ahal iv manahak pomusarahan kokomoi isoiso' ahal.

STANDARD PONUANGAN	STANDARD PAMBALAJALAN
<p>3.2 Popolombus do koilaan di otolinahas om opinto maya' ponuatan di oulud, olinuud om agramatis</p>	<p>3.3.1 monimung tonsi di opinto kokomoi isoiso' uhu miampai momoguno do peta pomusarahan.</p> <p>3.3.2 mongulud tonsi maya' kouludan pomurangadan di tawasi'.</p> <p>3.3.3 monguyad tonsi montok popointalang pomurangadan montok isoiso' ponuatan.</p> <p>3.3.4 manahak pounayan di olojik id ponuatan.</p> <p>3.3.5 momoguno pananda wacana di kotunud montok popokito kouludan pomurangadan id ponuatan.</p> <p>3.3.6 momoguno mogikaakawo grafik id ponuatan montok popolombus koilaan.</p>
<p>3.4 Manahang ponuatan di nowonsoi.</p>	<p>3.4.1 monoinu' kosudongon do pangaan di nowonsoi.</p> <p>3.4.2 monoinu' koilaan di noguno id ponuatan.</p> <p>3.4.3 monoinu' puralan boros montok momonsoi ponuatan.</p> <p>3.4.4 momiadang ayat di kotunud om au' kotunud.</p> <p>3.4.5 monimban ponuatan</p>

TAANG KOINABASAN KABAALAN MONUAT

STANDARD PRESTASI	
TAANG KOINABASAN	KOINTALANGAN
1	<p>Kaanu momosoi boros om ayat maya' ponguhupan mongingia'. Koilo momonsoi ponuatan maya' ponguhupan mongingia'. Koilaan di polomb_uson id ponuatan au' oulud. Kaanu popokito kaparagatan momongo isoiso' buruon.</p>
2	<p>Kaanu momoguno ija'an di kotunud. Koilo momonsoi ayat di tangasaanang. Kaanu mongulud tonsi id ponuatan. Koilaan di polomb_uson kosudong. Kaanu popokito kaparagatan do momoguno boros Kadazandusun di songisom id ponuatan. Kaanu popokito kaparagatan do momongo isoiso' buruanon.</p>
3	<p>Kaanu momoguno ija'an di kotunud. Koilo mogikaakawo ayat. Kaanu mongulud tonsi id ponuatan. Koilaan di polomb_uson awasi'. Kaanu popokito kaparagatan do momoguno boros Kadazandusun di songisom id ponuatan. Aparagat do momongo isoiso' buruanon.</p>
4	<p>Kaanu mongulud om monguyad tonsi id pangaan. Kaanu popolomb_us do koilaan di kotunud miampai momoguno boros Kadazandusun di oulud om olinuud id ponuatan. Kaanu popokito kabaalan mongompuri soira' monguyad do tonsi id ponuatan. Aparagat do momongo isoiso' buruanon.</p>

<p>5</p>	<p>Kaanu mongulud om monguyad tonsi id pangaan. Kaanu popolombus do koilaan di opinto miampai momoguno boros Kadazandusun di kotunud, oulud om olinuud id ponuatan. Kaanu popokito kabaalan mongompuri om manahang soira' monguyad do tonsi id ponuatan . Aparagat do momongo isoiso' buruanon.</p>
<p>6</p>	<p>Kaanu mongulud om monguyad tonsi id pangaan. Kaanu popolombus do koilaan di opinto miampai momoguno boros Kadazandusun di kotunud, oulud, olinuud om popokito woyo' pomusarahan di kreatif, kritis om akawas id ponuatan. Aparagat do momongo isoiso' buruanon.</p>

4.0 KABAALAN KOLUMISON BOROS

STANDARD PONUANGAN	STANDARD PAMBALAJALAN
<p>4.1 Monoriuk om manahang koilaan kokomoi kointutunan tinaru (Identiti) Kadazan om Dusun.</p>	<p>Kaanu o tangaanak:</p> <p>4.1.1 papapanau ponoriukan montok mongilo ngaran om guno do :</p> <ul style="list-style-type: none"> i. kakamot ii. bakaang iii. susumuni <p>4.1.2 mongintutun om popolombus do hiis koubasanan : Sudawil</p>
<p>4.2 Monginlaab toilaan kokomoi Tungkus koubasanan tinaru Kadazan om Dusun.</p>	<p>4.2.1 papapanau ponurubungan kokomoi koubasan tinaru</p> <ul style="list-style-type: none"> i. kaadat-adato' ii. pogoduhan <p>4.2.2 papabanta do koilaan di notimung.</p>
<p>4.3 Mongilo om manahak rekomen kokomoi ToilaanSandad Tinaru Kadazan om Dusun.</p>	<p>4.3.1 mongintutun toilaan sandad tinaru : tinunturu'</p> <p>4.3.2 popokito demonstrasi momonsoi tinunturu'.</p>

STANDARD PONUANGAN	STANDARD PAMBALAJALAN
4.4 Momonsoi luputan montok koilaan di notimung kokomoi tinaru Kadazan om Dusun.	4.4.1 popoluput do koilaan di notimung maya' : i. <u>bu</u> uk skrap ii. poster iii. kolaj 4.4.2 momoguno mogikaakawo media montok papabanta asil di notimung. 4.4.3 momoguno mogikaakawo peta pomusarahan id pabantaan toi ko' id ponuatan luputan.

5.0 KABAALAN PURALAN BOROS

STANDARD PONUANGAN	STANDARD PAMBALAJALAN
<p>5.1 Monorou koroitan om ija'an Kadazandusun.</p>	<p>Kaanu o tangaanak</p> <p>5.1.1 monoinu' sistem tuni Boros Kadazandusun. i phoneme ii vokal toniba' om tanaru</p> <p>5.1.2 monoinu' sistem ija'an Boros Kadazandusun. i. vokal toniba' om tanaru ii. harmoni vokal.</p>
<p>5.2 Momonsoi mogikaakawo ayat di kotunud om olinuud id lisan om ponuatan.</p>	<p>5.2.1 momonsoi pola ayat i. FN+FN ii. FM+FN</p> <p>5.2.2 momonsoi ayat i. Mintootoiso ii. Misompuru</p> <p>5.2.3 momonsoi ayat momoguno nuludan i. Maan +Subjek + Objek ii. Maan + Subjek + Timpu iii. Maan + Subjek + Kinoyonon</p> <p>5.2.4 Momonsoi mogikaakawo ayat: i. toomod ii. pongudio iii. ponuhuan iv. kotigagan</p>

STANDARD PONUANGAN	STANDARD PAMBALAJALAN
5.3 Momoguno tukadan id lisan om ponuatan.	5.3.1 momuhondom malik komoyon tukadan. 5.3.2 mogibooboros montok monoriuk komoyon tukadan

PANEL MINOMONSOI

Sandra Logijin	Bahagian Pembangunan Kurikulum, KPM
Sitiamah Sahat	Sektor Pengurusan Akademik, JPN Sabah
Evelyn Annol	IPG Kampus Kent, Tuaran
Juhilin Takun	IPG Kampus Keningau, Keningau
Rita Lasimbang	Yayasan Bahasa Kadazandusun
Anita Asin	SMK Limbanak, Penampang
Adrian Godomon	SMK Tambunan, Tambunan
Caroline L. Loven	SMK Datuk Peter Mojuntin, Penampang
Christopher Sugau	SMK Tenghilan, Tuaran
Evelyn Bagung	SMK Keningau, Keningau
Joseph Anjuman	SMK St. Joseph, Papar
Kartinah Majinin	SMK Pekan Kota Belud
Kisun Tampuling	SMK Narinang, Kota Belud
Linah Dalansu	SMK Gunsanad 2, Keningau
Marcus Shapi	SMK Kemabong, Tenom
Masneh Minsin	SMK Tambulion, Kota Belud
Pinus Soikung	SMK Tun Fuad Stephens, Kiulu
Poineh Tompuling	SMK Narinang, Kota Belud
Quotro Venture Misib	SMK Nambayan, Tambunan

Rosalia Apin

Rusinah Sinti

Silistina Basil

Winnie Augustine

SMK Matupang Jaya, Ranau

SMK Bundu Tuhan, Ranau

SMK Ranau, Ranau

SMK Sg. Damit, Tuaran

Bahagian Pembangunan Kurikulum
Kementerian Pendidikan Malaysia
Aras 4 - 8 Blok E9, Kompleks Kerajaan Parcel E
62604 Putrajaya
Tel: 03-8884 2000 Fax: 03-8888 9917
<http://www.moe.gov.my/bpk>